



Torna a te maridèr

Un dì l scontra so jorman
chest pere Tone, pien de cruzio e de vaèr:
«Ma» l ge disc «defenéscela con chel mus zacan!
Desmentia dut e torna a te maridèr!

Colavia l'è mia cugnèda,
l'à ben carant'egn e la è pelousa,
chela è per te e la te met te strèda,
e percheche l'à i bafi l'è pa na bona tousa.

Ménela fora de cèsia mia,
maridela e ménela demez
te pae da beiver vita tia
e dapò la sarà ben amò bona per n bez».

Tone respon: «Duc me proferesc fies, sores e cugnèdes,
i me paassa da beiver fin che vivesse,
i me paassa la noza, i me dajessa vères,
pur che de me maridèr volesse.

Duc me disc sta valiva parola,
ma nesciugh me disc: “Gei tollete un’armentarola!”».

Simon de Giulio, Penia. Arch. ICL, Fondo Canori-Piccoliori 41_05. Una versione dattiloscritta più lunga, intitolata *Con te stala na vacia soula* di data 10.3.1962, trasmessa alla radio il 28.03.1962, è conservata in Arch. Mazzel, S/III/B/103.